

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

2

T 3185/3144.81

五部縣志卷之六

建置志

城隍

易曰王公設險於國曰衛

昔惟城是賴夫五城豈不於此而信言歷世皆為土部

至有明初所置城隍如天以鎮石迹屹為全滿之固迄今

歷有年所矣其制與古不同其於城之無虞固不

可少也

宜都縣志卷之二

建置志

城池

易曰王公設險詩曰衆以成城則鎮封疆而捍人民者惟城是賴矣宜城肇築於陸伯言歷世皆爲土郭至有明萬曆間始甃以磚石遂屹爲金湯之固迄今屢遭兵燹高者漸卑完者間圯豈春陵之無虞原不係乎此耶昔號公恃險而平鄭以虎牢而固安在三

里之城無關地利而竟可不知經畫也哉志城池

城在川江之南濱臨清江西江適當此來會清濁奔流飛
濤東下遠望樓櫓雉堞巍狀稱雄鎮焉三國時吳大都督
陸遜屯戍宜都見滄茫溪產五色異石喜曰此地露文章
也遂築城於此以拒蜀漢後因號曰陸城

明成化庚寅都憲楊濬因舊址築土城周圍六百五十
餘丈高一丈二尺立五門東曰朝天南曰迎薰西曰太
平北曰臨川東北曰合江乙未知縣王濬增建門樓戊

戌知縣劉端重修之

嘉靖壬午知縣葉質重建合江門樓丙午丁未間知縣
陶師文重建舊東門并朝天迎薰二門又於學宮之左
復建大亨門自是科第漸盛

萬 丙子知縣許夢熊以土城不堪防守且費修葺始
易以磚石周圍五百餘丈高二丈有奇易舊東門爲應
雷題曰東閣龍窩朝天仍舊名題曰春關都會易迎薰
爲大觀題曰宜陽古郡易太平爲保泰題曰西楚上游

易合江爲佑治題曰渙浦岑臺易臨川爲明威題曰江州雄鎮樓櫓十二座宜人碑曰許公城

癸巳霪雨異常傾其東北三十餘丈知縣經世文相度地勢以逼近于江懼修復圯稍遷于內頗稱完固

崇禎癸未賊將張君用陷城盤踞之甲申張猷忠屠城厥後諸賊踞者踞過者過人民逃亡殆盡而城始墟矣

朝初年縣署移寓江北白洋南民盡散銅駝沒于荆棘金城尙屬萑苻至康熙元年壬寅知縣葉代生始奉檄

入城二垣悉毀奉督院命助修之康熙十三年甲寅吳逆據城後又多缺陷守土者以修葺爲故事董率不備時修時圯近又酌議詳請奉令縣營交責邇年以來日就傾頽而丙子年秋霖驟漲倒塌尤甚歲在丁丑知縣劉顯功移文防守設法捐修不惜工程務求完固其幾漸復金湯之舊與

宜城舊無墜崇禎癸未賊張君用毀西南民舍沿城鑿濠康熙十三年吳逆據城外列營壘決民田作濠數里沿城因舊濠更濬之復鑿新濠以接續之廣數丈深丈餘斯時有龍神夜濠之異今雖漸次淤平狀穢迹間有

存者特誌之
以示變云

附
街道

大街 西街 新街 里仁 此其經也

河街 臨川 南街 太平 此其緯也

自康熙元年入城後因水師營駐劄城內遂分東南之
民基作營地餘西北之地作民居今雖改作城守而兵
民分地如故

公署

邑之有公署也首重臨民出治之一堂登斯堂者蒼

赤未安思所以衽席之田野未闢思所以招徠之是
非未決思所以剖裁之強暴未消思所以弭伏之尤
必凜三規謹四知內外交修正已率下庶不虛負此
堂耳今則公庭可以張羅廳事僅容旋馬堂以前勒
銘豎戒者無有也虛左納牖者無有也郎公帑吏掾
所為備盈積貯簿書者亦無有也堂以後退思補過
夙興夜寐者茅茨未剪風雨飄搖湫隘荒蕪堪容一
膝已耳長吏於此有不愈飲冰茹蘗惕目儆心也哉

雖往日規模十不留一而昔人創制不可不存茲按籍而備錄焉由是而漸次修復亦整綰肅紀之一助也志公署

邑署在縣中北背拊城明洪武初知縣趙輔建成化治正德間知縣黃禮等修正廳李麟建後堂嘉靖丙午知縣陶師文合而重修之萬辛巳知縣張思中又重修之舊制中爲正廳正廳前左爲庫右爲幕廳又前爲露臺其中爲甬道中豎戒銘坊二東西爲吏廊前爲儀門

又前爲譙樓卽縣門也正廳之後爲川堂川堂後爲後堂左右有廂翼後堂之後爲縣衙有廳有堂又有君子廳有杏花亭有一覽樓縣門之東爲土地祠又東爲迎賓館有廳有厨有門萬癸巳知縣經世文建西爲獄有獄廳縣門之外東西爲榜房爲承流宣化二坊二圮後補以進士吳天俸舉人向正坊前爲門屏題曰應宿牧民又前曰父母師帥紀綱保障民具爾瞻坊二之前東西爲申明旌善二亭此舊制也明季俱爲賊燬

國朝順治年間歷任知縣韓世科王撫民馬廷贊華祖芳

俱寄寓江北白洋民舍至康熙元年知縣葉代生始渡

江入城創建正堂一重後堂一重前門一重甲寅吳逆

之變衙舍為偽官所居己未大旱平渡江偽逆起營官署

又為焚燬僅餘正堂一重知縣本丁景春修復川堂後署

乙亥知縣劉顯功履任重修川堂後堂額曰觀我更創設宅

門轉斗謹啓閉嚴出入而內外始知肅清丙子修獄并

增築圍墻宜獄墻僅及肩幾於畫地為牢今雖因圍草滿獄鮮羈囚增而築之亦未雨綢繆之意也

又於後署廳事前左右各置迴廊一西偏築室三楹以

為公餘退思校理簿書之所丁丑建東西吏廊餘俱次

第興復

典史衙在縣治西有正廳有堂有廂有門明季燬

國朝初俱寄寓民舍至康熙甲子典史馬如龍仍於幕廳舊

址建正廳一重後衙一重前門二右有廂

上司行署曰察院在縣治南今廢僅存遺址

布政分司在縣治西久廢

府館在縣西太平橋之右廢

明萬 丙子知縣許夢熊准舉人胡拱辰呈上價克修城

費給其地而家焉

清江口巡檢司在縣西北洪武初建隆慶庚午知縣周宗

武申准裁革解字折修本府沙市巡檢司

基地係向應宿變價解府

支銷

普通關巡檢司在縣治東北七十里解字久圯借居寺中

萬 壬午知縣張思中重建有正廳有後堂前有門又

圯至天啓間因巡檢借居縣前積倉不便知縣陸昌祚

申文移置巡司於四界姚家塋仍如舊制今又廢近建

有草廳棲止

日洋驛在縣東北十里嘉靖丁巳知縣劉伯源移置縣東

北厲壇以實儒學之左改厲壇於縣南萬歷乙亥知縣

王達申准裁革以免縣驛重支解字毀復作厲壇學左

仍虛

陰陽學 醫學舊志俱載縣治東洪武三十五年建歲久

頽沒今無考

道會司俱久缺無考

國朝新設

駐防遊擊公署在縣城東

中軍守備公署在縣城中南

學校

朱子曰學校之設所以爲政事之本道德之歸不可
一日廢焉者也孰謂首善建自京師而由內及外彈
丸之邑遂可或緩乎哉宜都自洪永以迄成英賢

蔚興炳耀史冊皆自學校中陶育而成者也第兵燹
屢經鞠爲茂草可勝浩嘆幸於靡蕪秦莽間搜尋古
碑殘碣得明代續修之蹟編次而輯之聊存勝國之
遺以表昔年之規制倘負荷之君子按牒而有所感
焉則學宮倍勝於前朝人材更隆於往昔誠厚望矣

志學校

儒學在縣治東宋乾道嘗建元嘗毀明洪武五年建弘治
辛酉知縣李麟重修嘉靖丁未知縣陶師文重修萬曆乙

酉知縣張思中重修戊戌知縣王之棟重修丙辰知縣陳邦官重修明末賊燬

國朝康熙元年知縣蔡化生始入城見廟貌弗存欲修未逮

丁未學訓李上苑力任修復董率勸捐而學官始建甲寅

吳逆之亂以學官為貯米倉以廡祠為繫馬之所污穢踐

踏漸見傾朽丁丑知縣劉顯功增修

先師殿 學訓李上苑重建邑紳孟述捐輸銀襄助之今知縣劉顯功重修

東西廡 萬曆乙酉知縣張思中建明末毀今復建

儀門 明末毀今復建

名宦祠 祀張飛向朗陸遜雷譚孫瑜陶堯伏譚文德吳異陳佛楊智王清韓守一王濬劉端周灝李麟葉贊

陶師文一十八人張思中建明末毀

鄉賢祠 祀向遜支璋鄒師頴趙思縉易忠余汝弼吳復初劉宗琦孫良余謙蘇昭李芳向致和向冕吳鍾曜

向正向文璽吳天俸吳守一十九人張思中建明末毀

御製亭 在名宦祠前張思中建今廢

敬一亭 在鄉賢祠前張思中建明末毀

津橋三座 在儀門前張思中重修

櫺星門 永樂辛卯年伐土得五
白龜明末毀石柱尚存

大成坊 萬 戊戌知縣王之棟
建四柱俱石明末賊廢

泮池 王之棟開圍以石欄萬
於池前空地手植松柏槐棘成林明末賊伐

明倫堂 左右有合抱丹桂
明末堂對俱廢

博文齋 在明倫
堂側毀

約禮齋 在明倫
堂右毀

尊經閣 嘉靖間知縣姚瓊建隆慶二年知縣
蕭賜重修題曰龍鳳之署明末賊燬

道義之門 毀

備學兩衙舍 俱
毀

祭器庫房 廢

東西號房 廢

興賢育才二坊 俱
毀

射圃廳 廢以上俱
張思中建

文昌閣 王之棟建在預脩倉右近城上處康
熙丙午李上苑移建于學宮之左

大魁閣 在學前左崇禎庚寅知
縣王繼勳建明末毀

感德祠 嘉靖丁未本縣紳士為邑侯會稽陶
師文建春秋祀之明末祠像俱毀

御製孔子贊碑

康熙丁丑知縣劉顯功奉文勒石

御製四子贊碑

康熙丁丑知縣劉顯功奉文勒石

經史藏書

無存

蓮豆簋簋

原係銅鑄今無存

銅爵

樂器

俱無存

附書院社學

清江書院

按舊志江北一里許白洋驛後乃元人文璋藏修之所正德間邑人向文璽因舊址結屋三間知縣江朝宗題曰北山書院歲久圮廢嘉靖丁未知縣陶師文改建于儒學右隙夏題曰清江

三臺書院

萬曆戊戌知縣王之棟重修易題曰青雲館明末毀在預備倉之南有廳有堂有左右廂房廳外有門嘉靖辛巳知縣姚瓊創建題曰青峯後知縣許夢熊易名今廢

南城社學

嘉靖巳酉知縣陶師文價買民李廷傑地并屋改建隆慶間知縣李節唯吳守呈上價買作書屋基後轉賣與李一林仍還之民矣

西城社學

在府署之左有講堂有後堂有門嘉靖巳酉陶師文價買民地創建東長三丈西長三丈五尺南闊十二丈北闊十七丈

灣市鎮社學

有講堂有門嘉靖巳酉陶師文價買民地創建東長十七丈四尺西長十八丈南闊四丈

紅花沱社學

四尺五寸北闊三丈八尺中闊五丈又街南園地一段東長五丈四尺西長四丈二尺南闊四丈二尺北闊四丈五尺二寸

有講堂有後堂有門嘉靖己酉陶師文重建東長四丈二尺西長四丈二尺南闊八丈二尺北闊八丈二尺三寸

虎腦背社學

有講堂有後堂有門有店房有園地嘉靖己酉陶師文重建東長五丈八尺西長六丈六尺南闊六丈六尺北闊七丈二尺前基地東長五丈四尺西長十一丈南闊八丈四尺北闊八丈四尺零店房四十二間其基東至街南至本學西至上城北至廟逐年稞銀每間伍錢付本學灣市紅花沱教讀均用

白洋鎮社學

有講堂有後堂有左右廂有門有店房原係便民倉陶師文改建東至驛南至河西北各至街店房共八十五間其基在本學四至內俱係官倉居民占造房屋今清出本地其房屋不願拆卸告賣入官本縣因我銀給買夏加增建付本學并在城二學教讀取租贍用但店稞倍於虎腦背以社學後當增置亦仰給於此也嘉靖己酉原志如此云後據居民黃大用等告府狀稱官店基八十五間內七十七間原係民地誤報作官地行縣踏勘將民地還民僅餘官地八間建社倉社學前抵大街後抵驛地東抵李三接牆西抵徐漢經王大用墻脚為界

按知縣陶師文加惠學校創置官田連堰塘近一百七十碩陸地一百三十餘畝白洋虎腦背二處官店共一

百二十七間今雖田地荒沒基店無存朕必縷細開載者不敢負創建之苦心將來清理興復庶幾按籍而或有稽乎

壇廟

盈天地間皆鬼神也一邑之鬼神即天地之鬼神誠敬所存神斯享焉是以遠而尊之壇而不屋近而親之屋而不壇蓋食其德不得不思其報即不食其德亦不可不隆其典良以神所憑依將在民二所憑依將在德也宜自邇年以來壇廟僅存遺蹟非復昔日

之觀矣尤賴後之事神臨民者能以恤民為敬神之本以明德為薦馨之具庶幾不聽於神而聽於民者哉志壇廟

風雲雷雨山川壇 在縣南一里

周禮祀風師雨師唐天寶五載始祀雷明加以雲洪武初祭有分合六年詔以風雲雷雨山川共為一壇八年又合城隍祭之其壇制崇二丈五尺繚以垣四陛四門從南門入風雲雷雨居中左山川右城隍木主高二尺二寸

社稷壇 在縣西一里

共工氏之子勾龍爲后土能平水土祀以爲社列山氏
之子柱能植百穀夏以前祀爲稷至殷以柱久遠而堯
昔棄爲后稷亦能植百穀故廢柱改祀棄明初循宋制
分壇配享復詔天下祭所用配壇不用屋其制與風雲
雷雨山川壇同從北門入置石主長二尺五寸方二尺
埋於壇之南正中畧露圓尖外別爲木主高一尺二十
珠底青字左社
右稷並南向

邑厲壇 在縣東門外

明洪武三年命天下鄉邑隄國各立壇以祭無
祀鬼神壇高一尺五寸東西二丈南北稱之

鄉厲壇 缺

城隍廟 在縣治東

明景泰間典史李志善建嘉靖間邑人吳邦榮徐漢經
等重修已酉知縣陶師文典史吳鎰重修並拓前街明
末賊毀 康熙元年知縣葉化生始建前殿癸亥年闔
邑紳衿里民共建大殿凡新官到任爲誓詞告神朔望
往 謁

土地祠 舊在縣門東今在知縣廨後

關將軍廟 在西

今駐防
一廟于

張將軍廟 與廟對峙

明萬 西子 縣許夢熊閱名宦姓氏謂張陸三公不
共戴天同祀於 妥誓移主于關廟並祀後戊子知縣王

施澤清出稅課司侵地邑人孟宗孔始
建廟 康熙四年水師遊擊張炳重修

附 民祀

東嶽廟

有四一在南門外之左俗例本縣于此起春隆慶
康午知縣周宗武謂庶民不當祀山川改為正心
書院萬 丙戌邑人孟宗孔倡復之明末傾圮
順治十八年里民張名世捐修一在土法里民
鄭集功重建一在白洋係本市居民
甘衆姓修一在南城內係駐防營建

五顯廟

舊在官牆內知縣陶師文移前
二十餘年出寺牆之外今廢

水府廟

有三一在縣北合江門外廢一在縣西社
稷壇左一在清江一在白洋山麓係新建

南嶽廟

在縣西
下沙

泰山廟

在縣東五十里殿
圯里人王祚修

龍王廟

有二一在縣北破崗山
一在縣東龍窩今廢

土穀神祠

有二一在縣東半里
許一在縣西二里

魏武廟

俗名機木廟在縣西北二十里金山鄉清江南岸
後移灣市俗傳有漢人見河中一朽木沂流上岸
頗類人形上有曹字遂以為曹操故立廟祀之前
元憲儉申屠嗣欲毀之未果 今按廟前有濼洞
水此木所由沂流也何足神乎即曰
神彼曹瞞者何足尸視乎毀之是也

神農廟

在白洋 康熙丙寅屆
民汪張劉衆姓新建

青塚廟

在縣
東

宇宙廟 在縣東

紅山廟

尖山廟 以上俱社廟

玉皇閣 有二一在縣南一在虎腦背

華光社 在縣東

倉庫

聞之補助時行祥招豐稔惠澤壅滯災致凶荒當流離而議賑貸亦已晚矣先事蚤計莫過今之積貯常

平一法每見賑卹故事積弊叢生查貧者未盡蒙惠得賑者反非真貧甚則官吏以捏名上聞里胥以親識冒領膏澤一頒飽填屢腹可勝痛悼至於寒廳膏火之資無告窮民之養疾病則藥石無虞死亡則瘞埋有所種二厚澤淡仁前人之創制備矣振興釐剔之微權是在以實心行實政者志倉庫

庫在縣治正廳之左明末廢額設庫書一名庫子四名

預備倉二一在儒學前在成化昔知縣王濬增建嘉靖癸

未知縣葉質申准拓地嘉靖丙午知縣陶師文查復侵地改建前門嘉靖辛巳知縣姚瓊截前一段建青峯書院東西各三廡中有正廳一在白洋驛右正統間知縣王濟建今俱廢

便民倉在白洋驛右成化昔知縣劉端建知縣陶師文改作社學今廢

社倉二一在白洋驛左一在興善坊官店中萬 間知縣經世文創建以備勸助穀東西各三廡有廳有門今廢

積備倉在縣治東寅賓館左萬 二十二年分巡道周應中檄建積穀備凶煮粥各門以救饑者有門有廳倉五楹今毀

常平倉在縣廨東隙地南向五楹西向二楹收貯生俊捐穀并每年勸捐穀麥照例備賑額設倉書一名斗級四名

學田連地共八百一十三畝一分七釐九毫坐落江南王家堰嘉靖間知縣陶師文置買大半荒蕪漸次開墾

供田一十八碩陸地在外有水墻長溝坐落白石坪萬

三十三分年分巡道周應中發公羨積銀一百兩檄知

縣蕭以裕承買為學諸生設也

按供田碑記云夫不以學田名而以供田名蓋以給諸生中有志節介狀鄉里稱善者有青年奮志才能撥科貧不能力學者有親喪未能舉者有行年過三十不能娶者助之內有不肖者並一應別費不得混支濫給至本田並王家堰學田逐年租稞令佃人赴縣親納貯之公帑庫吏發收票如有動支關會學師並通庠諸生公議妥確狀後給發官府不得專主吏胥不得侵沒今學供二田雖未全熟而一應支給俱係學師為政知縣謹催徵國賦而已前人良法美意湮沒於後人之奉行若類如是矣

惠民藥局在儒學右久廢

養濟院在迎薰門外官道之右景泰 治間知縣張善李

麟相繼修建萬 間知縣王達改作社學廢例養孤貧

一十一名口

漏澤園在縣西二里

義塚二一在縣南明星嶺官道西邑人孟宗孔置一在縣

東門外半里許邑人徐一正置

鋪遞

郵筒飛送雁帛難傳羽檄星馳鴛鈴不繫舖遞之設所以濟驛使之窮而通斥堠之變也蓋勞非一夫晝夜不憂其跼蹐程編十里風雨可免夫浮沉况乎行李往來供其駐宿旗亭遊旅之間又不僅爲公文接替之區矣宜邑東西稍長南北差短而尺書絡繹又惟南北爲多一書列焉而宜之疆里可知四境之繁簡亦畧可識矣志舖遞

縣前舖一日急遞舊在縣治西其基奏割分司餘地建官

店萬 壬辰知縣經世文改建於臨川門外以便差使更夜往來有廳有東西廊廢徃編舖司三名

官莊舖在縣南十里徃編舖司三名

石板舖在縣南二十里徃編舖司三名

南十里至
枝江縣

三溪舖在縣北十里徃編舖司三名

高庄舖在縣北二十里徃編舖司三名

木樨舖在縣北三十里爲中食駐宿之所舊廳五間日久傾圮萬 壬辰知縣經世文改爲三間甃以磚石徃編

舖司三名

長嶺舖在縣北四十里徃編舖司三名

北十里至藝陵烏石舖

白巖舖在長嶺舖西十里徃編舖司一名以上各舖俱有

廳有東西廊有郵亭今皆廢

西十里至長陽板橋舖

坊表

旌獎不加則懿美弗著芳規不立則勸戒弗行故樹之四達之衢垂之百世之久非以表榮施而耀耳目也宜邑明季以來英賢輩出寵章接踵華袞載途雖

隱顯不同揄揚各異其為流芳一也若夫功德無補

於朝廷名行不孚於鄉黨濫觴典制妄竊標題總金

石輝煌有識者直視為朽株枯木耳志坊表

承流宣化二坊在縣治左右圯易以進士吳天俸舉人向

正坊廢

父母師帥坊紀綱保障坊民具爾瞻坊在縣治前燬

大成坊在學宮櫺星門前萬間知縣王之棟建明末賊

燬

典賢育才二坊在學宮左右萬 間知縣張思中建俱燬
振揚威武坊在演武廳前萬 間知縣經世文建久廢

縣東

牙繡風裁金章錫命坊為吳天俸吳守立廢

甲科濟美坊為吳天俸吳應台吳守立廢

天寵地封地曹經會坊為贈戶部郎中徐漢經同子一正

立廢

孝子坊為吳鍾暉立廢

應奎坊為余汝弼立廢

登雲坊為王汝楫立廢

登瀛坊為易汝霖立廢

獅霄坊為駱啓立廢

毓秀坊為劉宗錡立廢

鍾靈坊為向永齡立廢

節孝文章坊為庠生劉士忠同妻李氏立廢

天祿重申坊為劉振祚立廢

鄉會聯登文武為憲坊為劉漢立

縣南

高步天衢坊為吳仲善立廢

折桂坊為向揚立廢

撥科坊為李皓立廢

冠英坊為李平立廢

聚錦坊為李芳立廢

兄弟元魁坊為鄭遇知遇春立廢

鄉會經魁坊為鄭遇春立廢

騰蛟起鳳坊為孟宗孔立廢

世登科第坊為吳天俸吳應台吳守立廢

世榮坊為余汝弼余翰學余鳳鳴立廢

名世大儒坊為劉芳節立廢

縣西

龍門聲價坊為向正向孔門立廢

步雲坊為王源立廢

進士坊爲向文璽立廢

登俊坊爲趙聰立廢

飛雄坊爲文貫立廢

攀桂坊爲孫良立廢

九世同居坊爲向遜立廢

一門雙節坊爲向存仁妻張氏存義妻杜氏立廢

勝蹟

江山如故勝事不常俯仰之間已爲陳蹟狀古人往

矣或從著作而見精神或就行踪而尋影響肝衡千

古恍惚遇之雖狀盛衰莫必一過成墟昨是今非變

遷何限蹟之傳與不傳蓋亦有幸不幸焉士君子撫

今弔古問俗觀風有所徵而人不信有所考而人莫

知古人如可作其不免生不逢肯生不逢地之嘆矣

志勝蹟

荆門 即十二背山水險絕
唐李杜過此皆有詩

虎亭 俗稱虎腦背
今名典善坊

夔道城

酈道元曰宜都郡治在夔道縣東四百步故城吳丞相陸遜所築也宜都一記曰按陸遜所築為宜都故城有故城必有新城矣故城在夔道縣東四百步則夔道又自為一城矣

陸抗城

宜都一記曰今縣治係陸抗代巡都督時築

滾鐘坡

在縣東北岸十五里相傳金鐘寺忽一日寺鐘滾出挽拽不勝經此坡入江下流而去不知所止至今艸猶下垂有跡

吳相臺

在縣南三里吳赤烏七年以陸遜為丞相屯兵拒蜀故築此臺

將軍臺

在縣北五里沙灣村方圓十餘丈亦陸遜所建

望堂

酈道元曰夔道城東北有望堂地特峻下踴清江亦遊矚之勝地也

江關

荆門虎牙二山之間

龍窩

在縣東十五里大江右岸其深莫測相傳曾有龍潛其中故名

僊井

在米山上深清徹宋時有宋氏女梳洗于其傍端坐而化昔人以為登僊故名僊井遇旱祈禱輒驗

湖里淵

水經注曰宜都縣北有湖里淵二上橋袖蔽野桑麻間日西眺俱山諸峯重巒疊秀青翠相臨時有

丹霞白雲遊曳其上

僊女洞

在石羊山下俗傳鄉民祝氏一日見九仙女從天降遊洞內旱雩有應知縣陶師文題曰仙娥古洞

僊人橋

在十二背絕頂有石橫跨兩壁如橋梁狀疑出神斤鬼斧又有石低垂長約丈餘如象鼻

穿孔巖

在縣西南十五里有崖橫亘平行可通輿馬其下如屋可避暑亦天生橋也

鼓城

在虎腦背濱江相傳張翼德曾於此搗鼓又傳磬寺後嶺有搗鼓臺相傳陸遜鑿藏軍河于南岸築臺于

鼓此搗

北山書院

在白洋元書院山表文璋讀書處也

一覽樓

在本縣廨後元大德四年知縣譚文德建後北嘉靖戊申年知縣陶師文重建今又廢

合江亭

在縣北濱江元大德四年譚文德建歲久圯廢嘉靖戊申年知縣陶師文重建有碑記並題咏今燬

止渴亭

在邑南十五里有嶺頗高山谷間有泉流出味甘昔人于崖畔鑿竅盛水以便往來憩息先有亭久廢

射堂龜礎

述異記云宜都七里溪有吳王夫差射堂柱礎背如伏龜按七里溪不知在何處且夫差射堂何得在宜都姑存之以備考

楚宮舊礫

異物志記宜都縣道縣有楚宮舊礫在焉宜都一記曰楚宮今無考按唐人陳伯玉云憶昔楚襄王朝雲無處所杜少陵曰最是楚宮俱泯滅舟人指點至今疑則宜都楚宮為襄王之宮矣但伯玉少陵所咏在今峽中異物志言在夔道縣則今清江之上也及觀虞伯生楚宮註謂為王之行宮既曰行宮則非一宮宜其蹟之所在也蓋有人于宋山田間畷土中得六方石礫一

石礫

不可辨矣

孔廟

孔廟雙蓮

龍窩春水

虎嶂朝雲

合江古渡

洪汜滾鍾

宋山僊井

灣市人家

滄茫異石

石板甘泉

新增十景

晴雪山帶

縣西峯巒鬱起每至晴霄有嵐氣若匹練橫帶其上唐韓君平詩風吹山帶遙似雨指此

晚吹江帆

縣東北大江中舟人三巴者風裏帆迅如奔馬迴飄颻鼓聲徹江

碧水迴瀾

縣西水府磯下每春漲水色糾碧漩流急湍滌洞而出

蒼嶺積雪

縣西鯉魚山一帶諸峯隆冬積雪至仲春猶未盡消遠望渾如凝粉

平湖牧笛

縣西有西坪俗呼西湖群牛在牧二兒晚歸跨牛橫笛

遠浦漁燈

縣北洲渚多泊漁舟至晚隔岸漁燈乍明乍滅亦水鄉佳境也

斷岸垂虹

西門外有太平三義二橋橫跨斷岸如垂虹狀

懸巖飛燕

縣西半里清江右岸皆絕壁有崖突出江濱各燕子崖

銀屏洗雨

縣南十里日土地嶺橫峙于前如屏狀雨後麗色可翫

玉鏡涵天

縣後大江水漲時團環如鏡一瞰而天光雲影盡徘徊于其中矣

龍湖龍逸撫遺弓而興悲蒼梧猿號望九疑而致慨
昔郭崇韜嚴盜塚之誅周太祖有採樵之禁蓋為
龍計耳宜都塚墓纍纍鬱蔥佳氣固未可知祇稽志
載首各別或重其人因以重其所瘞哉嗚呼乾坤
旅亭人生旅宿椰榆夜臺死生以之觀茲墳穴露艸
霜枝殆大塊之所以息英靈而英靈之所以自妥其
魄者歟行墟墓之間方且不斷哀思忍合秦蕪而狐
穴之乎志塚墓

吳陸遜塚

在縣南一里許相傳陸遜卒建三十六疑塚以
防侵害查緝日赤烏八年丞相陸遜卒于抗送
葬東還又查一統志載陸遜陸抗等墓俱在江
南松江府城西則遜實未葬此茲蓋三十六塚
間也

都督周公瑾墓

相傳在雲池
今失其處

宋張商英墓

在縣東北十
里白洋驛後

明鄒師顏墓

在清江北岸
三里許諭葬

余謙墓

在縣東三十里
青泥灣諭葬

吳寶墓

在南門外江南揚州人洪武間任
本縣知縣卒葬于此子孫遂勿焉

王姬墓

在官莊鋪土地嶺之陰姬乃王國玉山郡主吳邦綬尚之卒墓此遼主志其墓

唐公墓

唐公名旺大學士張居正之祖父也墓在白洋驛

哲婦塚

在鄧家莊知縣陶師文題碑

寺觀

漢武遠求金碧史册貽譏仁傑奏毀淫祠簡篇著美是非邪正千古昭狀矣至於佛骨之諫空桑之誦或褒或貶代不絕書非管人矯異鳴高故為冰炭誠以寂滅虛無未可化民成俗也雖狀廬居火書之說勢

已託諸空言或者謂浮屠氏以象教愚氓慢弛見佛即拜亦庶乎神道設教之微意耶宜邑十室一菴數武一廟新舊梵刹在二皆是兵燹之餘圯廢過半姑存其名以見疇昔之盛夫亦曰楚俗尚鬼宜邑亦狀

志寺觀

傳慶寺

縣東十里

普光寺

縣東城外

青林寺

縣西四十里

金鐘寺

縣東北二十里

法湧寺

縣東三十里

資福寺

縣北六里

廣濟寺 縣南城外

通龍寺 縣南四十里

千佛寺 縣南七十里

三堂寺 舊名智勝縣東北五十里

街燈寺 縣西四十里

龍泉寺 縣東五十里

淨土寺 縣北二十里

安福寺 縣北三十里靈芝山

法泉寺 縣北十里

雲蓋寺 縣南十里

常樂寺 縣南七十里望喜山

寫經寺 縣東北七十里

瑞峯寺 縣西三十里白田

長壽寺 縣東北十里

黃龍寺 縣北四十里

厚坪寺 縣西北三十里

一聖寺 縣西十五里

茅岡寺 縣西南四十里

龍典寺 縣北四十里橫溪

清泉寺 縣西九十里

金華菴 縣東十里

海潮菴 縣西

松影雲鹿菴 縣東

達佛菴 縣東

三藏寺 縣北三十里

寶幢寺 縣南四十里

朝禮寺 縣西四十里

觀音寺 縣北二十里

圓通菴 縣西

尚聖菴 縣東

太和菴 縣西

望佛菴

佑聖觀

縣治西

大梁觀

縣南四里

安樂觀

縣北五里沙灣

天心觀

縣南四里

清風觀

縣東十里白洋

雲臺觀

縣東

按所載寺觀各有創始年代及修建姓名第愚夫愚婦之舉似與風教無裨積而不錄重體裁也

宜都縣志卷之二終

